



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 726. Usque Ad Annum 813

Fleury, Claude

August. Vind. [u.a.], 1760

VD18 90117859

§.23. S. Bonifacius tertio Romæ.

[urn:nbn:de:hbz:466:1-66091](https://nbn-resolving.org/urn:nbn:de:hbz:466:1-66091)

Sæcul VIII.

A. C. 738.

ep. 49.

v. Mabill.

Liturg.

ep. 76.

ep. 40.

tidianis agat. Habemus etiam duorum Regum Epistolas, quæ eodem tempore datæ videntur, saltem prima, ubi de Eoba Presbytero mentio occurrit. Scripta est hæc Epistola a Sigebaldo Rege Saxonum Occidentalium, qui S. Bonifacium efflictim rogat, ut unacum Daniele Episcopus suus esse velit, dicitque: *Scias, quod Missam celebrans jubeam recitari nomen tuum, sicut Episcoporum nostrorum nomina recitantur.* Missam celebrare illius temporis stylo sæpe significat Missæ adesse, & de Laicis dicitur. Altera Epistola est Aelbualdi Regis Angliæ Orientalis qui suo & omnium Monasteriorum Regni sui nomine scribens dicit, se, ut S. Bonifacii desiderio satisfaceret, pro ipso in Missis & in septem horis Canonicis orare. Precibus Viri Sancti se commendat, & addit, nomina defunctorum vicissim mittenda esse, ut pro ipsis oretur. Ethilbertus Rex Cantiorum ad S. Bonifacium scribens mentionem facit de Bugga Abbatissa, ei vas argenteum & aliqua alia Dona mittit, & petit sibi mitti duos accipitres, quod in Germania venationi aptiores quam in Regno suo nascerentur.

§. XXIII.

S. Bonifacius tertio Romæ.

Sanctus Bonifacius anno septingentesimo

mo trigesimo octavo iter Romam ter-
 tio suscepit, tum cum Gregorio III. Pa-
 pa, nunquam a se viso, collaturus, tum
 etiam, cum inclinata jam esset ætate, se
 Sanctorum Virorum precibus commen-
 daturus. A Papa humanissime exceptus
 est, sicut ipse ad suos in Germaniam re-
 scripsit, eumque non Romani modo, sed
 etiam exteri maxima veneratione pro-
 secuti sunt, quem nempe ex uno loco in
 alium procedentem magna frequentia
 Francorum, Bavarorum, Anglorum, a-
 liarumque nationum sequebatur. In
 Italia majore anni parte versatus, post-
 quam Sepulchra Sanctorum invisisset,
 Papæ valedixit, qui muneribus cumula-
 tum additis etiam multis Reliquiis &
 tribus Epistolis dimisit. In prima Epi-
 stola ad omnes Episcopos & Abbates di-
 recta, Papa S. Bonifacium iis commen-
 dat, & hortatur, ut ipsi in Prædicationis
 Officio Adjutores & Cooperatores con-
 cedant. Secunda Epistola dirigitur ad
 Germaniæ populos Neo-conversos, in
 eaque Pontifex nominat Thuringos,
 Hassos, plures alios Barbaros, & denique
 omnes populos ad Orientem habitantes.
 Quod de illis, qui plagam Rheni orien-
 talem incolunt, accipiendum. Hortatur,
 ut docentem Bonifacium docili ani-
 mo auscultent, atque Episcopos & Pres-
 byteros, quos ipse per Apostolicam sibi
 datam

Sæcul. VIII.
 A. C. 738.

vit. per
 Villib. c. 9.
 ep. 27.

vit. per Othl.
 c. 28.

vid. not. Ser-
 rar. epist. 128
 S. Bonif. 3
 Coint. an.
 738. n. 13.

Sæcul. VIII. datam Auctoritatem ordinaverit, reci-
A. C. 738. piant. Deinde Papa subjungit: *Si quos
 a rectæ Fidei seu Canonice Doctrina
 tramite aberrantes reducere voluerit, a
 vobis nullo modo impediatur, sed potius
 efficite, ut obediant, nisi æternæ da-
 mnationis pœnam sibi ipsis velint ac-
 quirere. Vos autem, Carissimi! qui in
 Nomine Jesu Christi baptizati estis,
 abstinete ab omni cultu Paganorum; sed
 & Subditos vestros cobibete. Abjicite
 Divinos & Sortilegos, Sacrificia mor-
 tuorum, seu lucorum vel fontium, au-
 guria, phylacteria, incantatores, male-
 ficos, omnesque alias Superstitiones, qua
 in vestris finibus fieri solebant.*

Epistola tertia ad Episcopos Bavaricæ
 & Allemanniæ dirigitur, nimirum ad
 Wigonem Augustanum, Luidonem Spi-
 rensem, Rodolphum, quem Episcopum
 Constantiensem fuisse putant, Vivilonem
 Laureacensem, (*) seu Passaviensem, &
 Addam seu Heddonem Argentoratens-
 sem

(*) Si cui lubeat, Historiam intricatam de
 Origine Ecclesiarum Laureacensis & Passaviensis
 novisse, Historiam Salisburgensem Authore A.
 R. P. Josepho Mezger O. S. P. B. ad S. Petrum
 Salisburgi scriptam & ab A. RR. Fratribus i-
 psius germanis Francisco & Paulo in eodem Mo-
 nasterio Professis continuatam, opus præclarum
 legat.

fem. Itaque ex Allemannia quatuor, & Sæcul. VIII.
 ex Bavaria unicus, nempe Vivilo, ab ipso Papa post obitum Theodori ordinatus, A.C. 738.
 nominantur. Pontifex hos Episcopos hortatur, ut Bonifacium benigne suscipiant, Doctrinam teneant, Hæreticos & Pseudo-Episcopos undecunque advenerint, præsertim Britones, respuant, populos sibi commissos a Superstitionis veteris reliquiis liberent, & Concilium ad Danubii oram sive Augustæ, sive in alio, quo Bonifacio visum fuerit, loco celebrent.

v. Coint. an.
737.

§. XXIV.

*Sancti Willibaldus & Wunne-
baldus.*

In hac Romana profectioe S. Bonifacius multos Anglos, præsertim Presbyteros invitavit, ut Missionis Germanicæ laborem secum partirentur. Præter alios in Prædicationis societatem SS. Willibaldum, & Wunebaldum fratres, propinquos suos pertraxit. Willibaldus, quem Germani etiam *Bilibalde* nominant, in Anglia circa annum septingentesimum natus, adhuc puer Monachis traditus, anno circiter septingentesimo vigesimo, relicta patria, cum Patre suo Richardo, & Wunebaldo fratre tunc annum ætatis decimum nonum agente,

vit. S. Uneb.
n.7.to.3. Act.
SS. Ben. p.
180. vit. S.
Villib. p.365

Hist. Ecclesiast. Lib. X.

G Ro